

NALUNAARUTIT - Grønlandsk Lovsamling

Serie C-II

02 DEC. 2019

ISUMAQATIGIISSUT

Naalakkersuisut aamma Sulinermik Inuussutissarsiateqartut Kattuffiata akornanni **Meeqgerisut isumaginninnermilu ikiortit** pillugit isumaqatigiissutaat.

IMAASA NALUNAARSORSIMAFFIAT

	<u>Qupp.</u>
§ 1 Isumaqatigiissummi pineqartut.	3
§ 2 Suliffiup sivisussusia.	3
§ 3 Akissarsiat.	4
§ 4 Soraarnerussutisiassanut akiliutissat taakkulu akilerneqartarneri.	5
§ 5 Ukiut suliffiit malillugit akissarsiat qaffakkiartortarneri.	6
§ 6 Qaangiuttoornerit aamma qaangiuttoornermut taarsiullugu sulinngiffeqarnerit.	7
§ 7 Persaqusersorneqarnermut akiliutit.	7
§ 8 Suliartoqquneqaratarsinnaanermut tapisiat.	8
§ 8 A Aqutsinermut tapeq.	8
§ 9 Ataasiakkaanut tapinut immikkoortitat.	8
§ 9 A Ilinniaqqinnermi tapisiat.	9
§ 10 Atorfimmut imiikut ittumut tapit.	10
§ 11 Innarluutilinnik sullitaqarnermut tapisiat.	10
§ 12 Ingiallortaalluni angalanerit.	11
§ 13 Asiarnerit aalajangersimasumillu sammisassaqaarluni angalaarnerit.	13
§ 14 Ulloq unnuarlu paaqqinnittarfinni sulinermut tapisiat.	15
§ 15 Paarlattaanermut tapisiat.	15
§ 17 Pikkorissutsimut tapisiat.	16
§ 18 Nerisaqarneq ineqarnerlu.	17
§ 19 Sulinermut atatillugu angalanerit saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfinniinnermut atugassat) atortussarsiuutillu.	17
§ 20 Piareersimaneq.	17

§ 21	Ineqarneq.	18
§ 22	Atorfininnermut atatillugu akiliunneqarluni angalaneq. ...	19
§ 23	Sulinngiffeqarneq sulinngiffeqarnerisiutillu.	20
§ 24	Napparsimaneq.	21
§ 25	Naartuneq, ernineq qitornavissiarthaarnerlu.	22
§ 26	Meeqqap napparsimanagerani ullormi siullermi sulinngiffeqarsinnaatitaaneq.	23
§ 28	Sulinngiffeqarnerit immikkut ittut allat.	24
§ 29	Sulinngiffeqartarnerit.	24
§ 30	Qinikkatut pisortanillu toqqakkatut suliassaqartitaanerit.	25
§ 31	Toqukkut qimagaanersitit.	26
§ 32	Soraarniuteqarneq/Soraarsitsineq.	26
§ 33	Isumaqatigiinngissutit kinaassusersiortumillu soraarsitsinerit.	28
§ 34	Meeqqerisut isumaginninnermilu ikiortit nal. akunnermusiallit.	28
§ 35	Ikaarsaarnermi malittarisassat.	29
§ 36	Akissarsiat katiternerit.	30
§ 37	Piffissaq isumaqatigiissutip atuuffia.	30

§ 1

Isumaqatigiisummi pineqartut.

- a) Sulisut meeqqerisutut isumaginninnermilu ikiortitut tunngaviusumik pikkorissarsimasut, sungiusarsimasut kiisalu tamatuma kingorna Inunnik Isumaginnittussanut Ilinniartfimmi atuagarsornermi blok II-mik atuarsimasut, imaluunniit allatut tasunga sanilliunneqarsinnaasumik ilinniagaqarsimasut (meeqqerisut) aamma
- b) STI-mi Inunnik Isumaginninnermik Ilinniartitaanermik naammasinnissimasut isumaginninnermilu ikiortitut ilinniarnerninnut uppernarsaatillit,
- c) STI-mi isumaginninnermi ikiortit Inunnik Isumaginninnermik Qitiusumik Ilinniartifianni atuagarsornermi atuarsimasut meeqqerivinni aammalu ulloq unnuarlu angerlarsimaffinni sulisut,

Kalaallit Nunaanni Namminersorlutik Oqartussani kommunenilu atorfinitsinneqartut, isumaqatigiissutinullu allanut attuumassutegangitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommunenilu soraarninngorsimasut aammalu suliffeqarfinni immikkut pisussaaffiligaasuni ittut isumaqatigiisummi uani ilaatinneqangillat.

§ 2

Suliffiup sivisussusia.

Nalinginnaasumik piffissaq suliffissaq sap.akunneranut nal. akunnerinik 40-nik sivisussuseqarpoq, agguaqatigiissillugu qaammammut nal.akunnerinut 173 1/3-inut naapertuuttumik.

Imm. 2. Ullormit piffissap suliffiusussap iluani sulinngitsoornerit akissarsianit ilanngaatigineqartassapput sulinngitsoornermi akissarsissaraluit amerlaqataannik. Nal. akunna sulinngitsoorfik nalilerneqartassaaq atorfillip nal. akunnermusiarisartagaatut annerutigisumik, nal.akunneranut tapiujunnartut ilanngullugit. Nal. aku-

nnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 3. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaattorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiususaaq eqqortinneqanngitsutut isigineqarsinnaanngilaq.

Imm. 4. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffik piffissatut suliffittut naatsorsuunneqassanngilaq.

Imm. 5. Taamaattorli paarsaqarluni angalanerni kiisalu asiarnerni aalajangersimasumillu sammisassaqarluni angalanerni peqataanermut §§ 12 aamma 13 naapertorlugit akissarsiat piffissarlu suliffiusussat pil-lugit immikkut aalajangersakkat atuupput.

§ 3

Akissarsiat.

Meeqqerisut isumaginninnermilu ikiortit 18 inorlugit ukiullit imaat-tunik qaammammusiaqartinneqassapput:

trin	ukiut	suliff	01.04.18	01.04.19	01.04.20	01.04.21
1	1.		12.976,62	13.357,19	13.737,75	14.118,31
2	2.amerlanerillu		13.027,01	13.407,58	13.788,14	14.168,70

Imm. 2. Meeqqerisut isumaginninnermilu ikiortit 18 sinnerlugit ukiul-lit skalat nikeriarfiini ataani taaneqartut aallaavigalugit an-ingaasarsiaqartinneqartassapput:

skala	trin	ukiut	suliff	01.04.18	01.04.19	01.04.20	01.04.21
18	1	1.-2.		18.454,22	18.834,78	19.215,34	19.595,91
19	2	3.-4.		18.580,11	18.960,67	19.341,24	19.721,80
20	3	5.-6.		18.756,97	19.137,53	19.518,09	19.898,66
21	4	7.-8.		18.939,55	19.320,11	19.700,67	20.081,24
22	5	9.-10.		19.139,21	19.519,77	19.900,34	20.280,90
23	6	11-12.		19.344,80	19.725,36	20.105,92	20.486,49
24	7	13.amerlanerillu		19.556,20	19.936,77	20.317,33	20.697,89

Imm. 3. Isumaginninnermi ikiortit skalat nikeriarfiini ataani taaneqartut aallaavigalugit aningaasarsiaqartinneqartassapput:

skala	trin	ukiut	suliff	01.04.18	01.04.19	01.04.20	01.04.21
16	1	1.-2.		18.080,22	18.460,79	18.841,35	19.221,91
17	2	3.-4.		18.264,65	18.645,21	19.025,77	19.406,34
18	3	5.-6.		18.454,22	18.834,78	19.215,34	19.595,91
19	4	7.-8.		18.580,11	18.960,67	19.341,24	19.721,80
20	5	9.amerlanerillu		18.756,97	19.137,53	19.518,09	19.898,66

§ 4

Soraarnerussutisiassanut akiliutissat taakkulu akilerneqartarneri.

Isumaqaatigiissut malillugu sulisup 18-nik ukioqalereersimasumut soraarnerussutisiaqalernissaanut isumaqaatigiissummi matumani akissarsiat paragrafini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqqissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalugu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiutisi-aqartinneqassanngilaq.

§ 5

**Ukiut suliffiit malillugit
akissarsiat qaffakkiartortarneri.**

Ukiut suliffiit malillugit akissarsiat qaffakkiartortarneri aalajangersarneqartassapput piffissaq pineqartup ilinniarsimanini tunngavigalugu suliffia aallaavigalugu.

Imm. 2. Ukiut suliffiit malillugit akissarsiat qaffakkiartortarnerisa naatsorsorneqarneranni siusinnerpaatut aallaaviusassaaq qaammatip ilinniakkamik naammassinniffiup naanera.

Imm. 3. Ukiut suliffiit malillugit akissarsiat qaffakkiartortarneri nalinginnaasumik naatsorsorneqartassapput qaammatip atorfiniffiup aallaqqaataanit tamatigullu qaammatinut ilivitsunut nalimmassarneqartassapput ullut 15 taakuluunniit ataallugit sulisimanerit naatsorsuutigineqassanatik.

Imm. 4. Sap.akunnerannut agguaqatigiissillugu nal.akunneri 15 sinnerlugit suliffiuppata tamakkiisumik akissarsiat qaffakkiartortarnerinik pissarsisoqassaaq. Sap.akunnerannut agguaqatigiissillugu nal.akunneri 15-init ikinnerit suliffiuppata akissarsiat qaffakkiartortarnerannik piffissamut suliffimmut naapertuuttunik pissarsisoqassaaq.

Imm. 5. Sulisut Kalaallit Nunaanni pisortat suliffeqarfiutaannit toqqaannartumik Kalaallit Nunaanni pisortat suliffeqarfiutaannut allamut nuuttut aningaasarsiaqartitsinermi ukiut suliffiit malillugit akissarsiat qaffakkiartortarnissaattut katersareriikkatik attatiinnassa-vaat.

§ 6

**Qaangiuttoornerit aamma qaangiuttoornermut
taarsiullugu sulinngiffeqarnerit.**

Qaangiuttoorneq sapinngisamik pinngitsoorniarneqartassaaq. § 2 imm. 1 naapertorlugu piffissap nalinginnaasumik suliffiup avataatigut peqquneqarluni nakkutigineqartumillu sulinerit nal. akunnermusissuta-assapput agguaqatigiissillugu § 3-imi akissarsiat pineqartut 50%-imik ilallugit. Qaammammut piffissap suliffiup sivisussusia akissarsiat annertussusiannut agguarneqassaaq tak. § 2 imm. 1 inerneralu ilivits-ungortinneqassalluni.

Imm. 2. Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoorneriassaagaluanut taarsiullugu sulinngiffeqarnermi qaangiuttoornermi akissarsiasat 50%-imik ilallugit qaangiuttoorneriassaagaluanut naapertuuttunik sulinngiffeqaataassapput. Sulinngiffeqarnissamut katersukkat nal. akunnerata qaangiuttoorfigisap affaata aallartinneri tamaasa naatsorsorneqartassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aqqissuunneqassaaq.

§ 7

Persaqqusersorneqarnermut akiliutit.

Avitamik sulinerimut piffissami, nal. 17.00-imiit 06.00-imut, arfininngornikkut nal. 14.00-ip kingornagut kiisalu sapaatini nalliuttunilu sulinerit akilerneqartassapput malittarisassat tjenestemandinut Namminersornerullutik Qqartussanut kommunenilu sulisunut atuuttut, takuuk immikkut takussutissiami takuneqarsinnaapput. Qaangiuttoornerli pineqarpat taamaallaat § 6 naapertorlugu sulinngiffeqartitsisoqarsinnaavoq/qaangiuttoornerisiffigineqarsinnaavoq.

Imm. 2. Ullunut sulinngiffeqarfiusussaagaluanut annaasanut tapisiat qaangiuttoornersiatut akiliutigineqassapput, ikinnerpaamilli nal.akunnerinut 6-inut, Namminersornerullutik Oqartussani kommunenilu tjenestemandinut maleruagassat malillugit.

§ 8

Suliartoqquneqaratarsinnaanermut tapisiat.

Meeqgerisut isumaginninnermilu ikiortit nakkutigineqarsinnaangitsumik nakkutigiuminaatsumilluunniit qaangiuttoortartut qaangiuttoornersianut taarsiullugu suliartoqquneqaratarsinnaanermut tapisiaqartinneqarsinnaapput, qaangiuttoornermut atatillugu akiliutinut § 6-imi taaneqartunut kiisalu persaqquersorneqarnermut akiliutinut § 7-imi taaneqartunut taarsiullugu, taassumalu annertussusia isumaqatigiissuteqartut akornanni isumaqatigiinniareernikkut aalajangersarnerqartassaaq.

§ 8 A

Aqutsinermut tapeq.

Meeqgerivinni aqutsisutut atorfeqarnermi qaammammut 1.750 kr.-nik aqutsisutut tapisiaqartitsisoqassaaq. Utoqqaat illuanni, imaluunniit angerlarsimaffinni ikiortinut aqutsisuugaanni 2.000,- kr.-nit tikillugit annertussusilimmik tapisiaqartitsisoqartassaaq.

Imm. 2 Imm. 1-mi atorfinnut tullersoortaanermut qaammammut 1.000 kr.-nik tapeqartitsisoqassaaq.

§ 9

Ataasiakkaanut tapinut immikkoortitat.

Sulisut 1. april 2014-mi ataasiakkaanut tapisiallit nammineq tapisiatut suliunnaarnissap tungaanut tapisiarinnassavaat.

§ 9 A

Ilinniaqqinnermi tapisiat.

Sulisunut tunngaviusumik ilinniarnep kingorna pikkorissarsimasunut tapisiaqartitsisoqarsinnaavoq qaammammut:

- a) Ilinniaqqinnissaq siunertaralugu pikkorissartitsinermi sivi-kinnerpaamik nal.ak. 40-ni sivisussuseqartumi peqataanermi 125,00 kr. tunniunneqartassapput.
- b) Ilinniaqqinnissaq siunertaralugu pikkorissartitsinerni nal.ak. 40-t sinneqalugit sivisussuseqartumi peqataanermi 250,00 kr. tunniunneqartassapput.
- c) Pissutsit immikkorluinnaq ittut atuutsillugit illuatungeriit isumaqatigiissuteqarnerisisut 375,00 kr. tunniunneqarsinnaapput.

Tapisiat iluarsiivigeqqitaanngillat. Tapisiaqarsinnaanermut piumasagaataavoq pineqartup sulianik pikkorissaatigineqartunik suliaqarnissaa.

Imm. 2. Sulisumut ataatsimut naatsorsuullugu imm. 1-mi tapisiat ataasiinnaat tunniunneqarsinnaapput.

Imm. 3. Meeqqerisut isumaginninnermilu ikiortit 31. marts 1995 Kallaallit Nunaanni Naalakkersuisut, Finansministeriap SIK-llu akornanni meeqqerisut isumaginninnermilu ikiortit pillugit isumaqatigiissutaanni 8. juni 1991-imeersumi § 3 naapertorlugu tapisiaqartinneqartut tapisiatik atorfeqarnerminni attatiinnassavaat.

§ 10

Atorfimmut imiikut ittumut tapit.

§ 3-mi akissarsiat taaneqartut nalinginaasumik piumasagaatitarisaanut il.il. ilaanngitsunik suliatigut, allaffissornikkut, pisinnaasariaqartutigut allatigulluunniit imikkut inissisimasunik atorfinitsistsisoqartillugu, akissarsianut tapit atugassarititaajunnartullu allat pillugit isumaqatigiissuteqartut akornanni immikkut isumaqatigiissuteqartoqarsinnaavoq.

§ 11

Innarluutilinnik sullitaqarnermut tapisiat.

Meeqqerisunut isumaginninnermilu ikiortit ulloq unnuarlu paaqqinnittarfinni innarluutilinnik sullitaqarnermut atatillugu iluar-siissutitaqanngitsumik tapisiaqartitsisoqassaaq qaammammut 350,93 kr-inik. Piffissap suliffiup ilaannaani sulisartunut tapisiat sulisut nalunaaquttap akunnerinut suliffigisartagaanut naleqqiullugit ilannarneqartassapput. Qaammatip naanerani innarluutilimmik ilaqarunnaarfigisaanni tapisiat ingerlaannartumik atorunnaarsinneqassapput.

Imm. 2. Imm. 1 naapertorlugu tapisiaqartitsisoqartassaaq inuk timimigut eqqarsartaatsimigullu annertuumik innarluutilik, isumaginninneq pillugu Inatsisartut peqqussutaat nr.7 3. november 1994-imeersoq naapertorlugu ikiorneqarnissaminut pisariaqartitsippat.

Imm. 3. Imm. 1 naapertorlugu tapisiaqartitsisoqartassaaq innarluuteqartup timimigut eqqarsartaatsimigut, oqalunniarnermigut aalaatsimigullu annertuumik amigaateqarnera paasineqarsinnaallunilu taamaalilluni innarluutilik kommune-p, Isumaginninnermut Inatsisinillu Naalakkersuisoqarfik-iup akuersineratigut innarluutillip paarineqarneranut isumagineqarneranullu atatillugu immikkut suliniutinik aallartitsisariaqalerpat.

Imm. 4. Taamatuttaaq imm. 1 naapertorlugu tapisiaqartitsisoqassaaq innarluutillip pissusilersornera imatut ippat innarluutillip peqqissusiata toqqissisimanerisalu illersorneqarnissaat pisariaqartinneqarluni taamaalilluni tamanna pissutigalugu kommune-p akuersineratigut innarluutilik immikkut sissuernerqartariaqalerluni.

Imm. 5. Meeqqerisut isumaginninnermilu ikiortit immikkut suliniuteqarnernut atatillugu sulilersinneqartut ulluunerani paaqqinnittarfinni marlunnit amerlanerusuni ataatsikkut sulinissaannut pisussaaffilerneqarsinnaangillat. Meeqqerisut isumaginninnermilu ikiortit ingerlaavartumik sulisussatut atorfinitsinneqartariaqarput kisiannili piffissami aalajangersimasumik sivilisussusilimmi sulinnaallutik, tassa immikkut suliniuteqartoqarnera tamatumani pineqaraangat. Piffissaq suliffiusussatut isumaqatigiisutigineqartoq atorfinitsitsinermut uppernarsaammi ilanngunneqarsimassaaq. Immikkut suliniuteqarnerit aallartinneqarnerannut atatillugu piffissaq suliffiusussatut isumaqatigiisutigineqartoq tamakkerlugu suliffiusinnaangippat sulisoq ulluunerani paaqqinnittarfimmi taartaasutut sulinissaminut pisussaa-voq.

§ 12

Ingiallortaalluni angalanerit.

Ingiallortaalluni angalanerit tassaapput angalanerit sulisup meeqqat, napparsimasut innarluutillilluunniit ilaqutariinnut, paaqqinnittarfimmut, napparsimavimmut assigisaannulluunniit inissinneqarnissaannut utertinneqarnerannullu atatillugu paarsisuulluni angallassineri. Piffissaq angalaffik kisimi ingiallortaalluni angalaffittut naatsorsuunneqartassaaq, tamatumunnga ilanngullugit angalanermi aqquusaakkani unikkallarnerit sulisup paarsaminut akisussaaffii.

Iluuatungeriit isumaqatigiissutigaaat ingiallortaalluni angalanerit nalaanni maleruagassat makku meeqqerisunut isumaginninnermilu ikiortitut atuuttassasut:

Imm. 2. Nalinginnaasumik suliffissap nalaani piffissap suliffiup naatsorsorneqarnerani ingiallortaalluni angalanermi ullormut nal.akunneri 8 ilanngunneqartassapput.

Imm. 3. Ullormut nal. akunneri 8 sinnerlugit paarsisuulluni angalanermi nal. akunnerisa 4 aallartinneri tamaasa tapisiaqartitsisoqassaaq 1. april 1991-imiit ulluinnarni 222,50 kr.-inik toqqammavilinnik, arfininngornerni sapaatini nalliuttunilu 312,50 kr.-inik toqqammaveqarlutik. Tapisiat immikkut tapisiatut iluarsiivineqartassapput.

Imm. 4. Ullut sulinngiffeqarfissat suliffigineqartulli taartisissutigitinneqartassapput sapinggisamik taarsiullugu sulinngiffeqartitsinertut. Sap. akunnerannut aamma nalliuttunut ulloq sulinngiffeqarfissaq suliffigisariaqagaq ataaseq kisiat taartisissutisiarineqartassaaq. Ullut sulinngiffeqarfissat suliffigisariaqakkat aningaasarsiffigineqassappata taakku ullormut sulinngiffeqarfimmut nal.akunnerini 40-ni nal. akunnerinik 8-nik akilerneqassapput aamma ullormut sulinngiffeqarfimmut nal. akunnerini 64-ini nal. akunnerinik 16-inik akilerneqassallutik.

Imm. 5. Piffissaq suliffiususaaq pillugu maleruagassat allat - soorlu qaangiuttoornermut, suliartoqquneqarsinnaatitaanermut, arfininngornikkut nal. 14.00 kingornatigut sulinernut, sapaatini nalliuttunilu sulinernut aamma suliamut atatillugu angalanerit nalaanni piffissap suliffiup naatsorsorneri - atorunnaarsinneqarput.

Imm. 6. Paarsisuulluni angalanerni ullormusiaqartitsisoqartassaaq § 18 naapertorlugu.

§ 13

**Asiarnerit aalajangersimasumillu
sammisassaqarluni angalaarnerit.**

Meeqqerisut isumaginninnermilu ikiortit asiarnernut, tupersimaarnernut assigisaannullu aamma aalajangersimasumik sammisaqarluni angalaarnernut ilaasinnaapput. Asiarnerit, tupersimaarnerit assigisaallu suliffeqarfik ikinnerpaamik ullut unnuallu marluk qimallugu allaarsimaarnertut paasineqassapput suliffeqarfik qimallugu aallarnermiit aallaarsimaqaataasut suliffeqarfimmut tikeqinnerannut piffissaq naatsorsorneqartassalluni.

Imm. 2. Aalajangersimasumik sammisaqarluni angalanerit imatut paasineqassapput immikkut perorsaanermik siunertaqarluni suliffeqarfiup qimakkallarnerqarneranik, assersuutigalugu aalisariarluni piniariarlunilu, qimusserluni il.il. sivikinnerpaamik ulluni unnuanilu marlunni angalaneri suliffeqarfiup qimanneqarneraniit aalajangersimasumik sammisaqarlutik angalanermut peqataasut suliffeqarfimmut tikinnerannut naatsorsuunneqartussat.

Imm. 3. Maleruagassani pineqarput meeqqerisut isumaginninnermilu ikiortit tamarmik suliffeqarfimmi sulisooreersut aamma meeqqerisut isumaginninnermilu ikiortit aallaarsimaarnermut imaluunniit aalajangersimasumik sammisaqarluni angalaarnermut peqataanissaat immikkut siunertaralugu sulisitaasut.

Imm. 4. Nalinginnaasumik suliffissap iluani piffissap suliffiup naatsorsuusiorneqarnerani ullut aallaarsimaarfiit/aalajangersimasumik sammisaqarfiit ullormut nal.akunnerinik 11-nik naatsorsorneqartassapput.

Imm. 5. Ullut sulinngiffeqarfissat suliffigineqartulli taartisiffigineqartassapput sapinggisamik taarsiullugu sulinngiffeqartitsinertut. Sap.akunneranut aamma nalliuttunut ulloq sulinngiffeqarfissaq su-

liffigisariaqagaq ataaseq kisiat taartisiffigineqartassaaq. Ullut sul-
linngiffeqarfissat suliffigisariaqakkat aningaasarsiffiuppata taakku
ullormut sulinngiffeqarfimmut nal. akunnerini 40-ni nal. akunnerinik
8-nik akilerneqassapput aamma ullormut sulinngiffeqarfiusumut
nal.akunnerini 64-ini nal.akunnerinik 16-inik akilerneqassallutik.

Imm. 6. Piffissaq suliffiususaaq pillugu maleruagassat allat - soorlu
qaangiuttoornermut, suliartoqqunekaratarsinnaanermut, arfininngornik-
kut nal. 14.00 kingornatigut sulinernut, sapaatini nalliuttunilu su-
linermut aamma sulianut atatillugu angalanerit nalaanni piffissap su-
liffiup naatsorsorneri atorunnaarsinneqarput. Isumaqatigiissuteqartut
isumaqatigiissutigaat maleruagassat ataani taaneqartut tapit pillugit
meeqqanik innarluutilinnik paaqqinnittarfinni sullissinermi atu-
tissasut.

Imm. 7. Aallaarsimaarnernut, tupersimaarnernut assigisaannullu
peqataanermut akiliutit 1. april 1991-imiit ulluinnarni 186,00 kr.-
inik toqqammaveqarput, arfininngornerni aammalu sapaatini nalliut-
tunilu 271,00 kr.-inik toqqammaveqarlutik. Tapit tun-niunneqartut im-
mikkut tapit, Kalaallit Nunaanni Nalakkersuisut Atorfillit Kattuf-
fiatalu akornanni isumaqatigiissut naapertorlugu iluarsartuussivige-
qqitaasarput.

Imm. 8. Aalajangersimasumik sammisaqarluni angalaarnernut peqataaner-
mut akiliutit 1. april 1991-imiit ulluinnarni 400,00 kr.-inik,
toqqammaveqarput arfininngornerni aamma sapaatini nalliuttunilu
600,00 kr.-inik toqqammaveqarlutik. Tapit tunniunneqartut immikkut
tapit, Kalaallit Nunaanni Nalakkersuisut Atorfillit Kattuffiatalu
akornanni isumaqatigiissut naapertorlugu iluarsartuussivigeqqitaasar-
put.

Imm. 9. Aallarsimaarnerni aalajangersimasumillu sammisaqarluni anga-
lanerni ullormusiaqartitsisoqartassaaq § 18 naapertorlugu.

§ 14

Ulloq unnuarlu paaqqinnittarfinni sulinermut tapisiat.

Ulloq unnuarlu paaqqinnittarfinni sulisunut atorfimmut atatillugu tapisiaqartitsisoqassaaq qaammammut 300,00 kr.-nik.

§ 15

Paarlattaanermut tapisiat.

Sulisut perorsaasutut atorfimmi sukkulluunniit paarlattaasut paarlattaanermut akissaatisiaqartinneqassapput qaammammut 375,00 kr.-nik. Tapisiaq iluarsiiivigeqqitassaangilaq.

Imm. 2. Taakku saniatigut meeqqerivinni sulisut, tamatumani pineqarpat pisortatut atorfimmi paarlattaagallarneq, pisortaanerminnut tapisiaqartinneqassapput qaammammut 850,00 kr.-nik. Tapisiaq iluarsiiivigeqqitassaangilaq.

§ 16

Atorfimmi qutsinnersumi kingoraartaneq.

Atorfilik qinnuigineqarnermigut atorfimmi qaffasinnerusumi, utaqqiisaagallartumik sulisoq, atorfiup qaffasinnerusup taassuma suliasartai suliarigunigit aalajangersakkat kinguliini taaneqartut malillugit akissarsiaqarsinnaatitaavoq.

Imm. 2. Atorfimmi qaffasinnerusumi suligallarnermi akissarsiaqartussaaneq atuutilertassaaq sulisup atorfik taamaattoq ulluni malittuinnarni 15-ini tigummereerpagu.

Imm. 3. Tamatumani akissarsiassat tassaassapput sulisup nammineq atorfimmini akissarsiai, pikkorissutsimut tapisiaqarpat taakku ilanngullugit, aammalu atorfimmut qaffasinnerusumut tassunga qaffarartinneqarsimasuuguni akissarsiariligassaraluisa assigiinngissutaat.

§ 17

Pikkorissutsimut tapisiat

Isumaqatigiissut manna tunngavigalugu atorfinitsinneqarsimasunut pikkorissutsimut tapisiaqartitsisoqarsinnaavoq qaammammut kr. 500,00-nik. Pikkorissutsimut tapisiat inummut ataatsimut arlalinngorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inississimasunut tunniunneqartassapput, taamatut inissisimaneq isumaqatigiissummi matumani nalinginnaasumik tunngaviusuni akissarsiatigut taaneqartunut il.il. ilaatinneqanngippat.

Imm. 3. Kommuunit ataasiakkaat, Namminersorlutik Oqartussat suliffeqarfiisa immikkoortui ataasiakkaat, matumani suliffiit taakkununga atasut ilanngullugit, kiisalu Namminersorlutik Oqartussat aktiaateqarluni ingerlatseqatigiiffiutai tapisiassanik aalajangersimasunik amerlassusilinnik agguaassassaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Aningaasaqarnermut Sulisoqarnermullu Aqutsisoqarfiup isumaqatigiinni- arnermut immikkoortortaqarfiata nalunaarutigisassavai.

Imm. 4. Najukkami sulisitsisup najukkamilu tassani sulisut sinniisaa- ta imaluunniit S.I.K.-p akornanni akornanni isumaqatigiinniareernik- kut tapisiassat taakku kommunit suliffeqarfiillu ataasiakkaat iluanni agguataarneqartassapput.

Imm. 5. Tapisiat atorfinnut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinni- utigeqqinneqareernernekkut atorneqaqqissinnaalertassapput, tak. imm. 4.

Imm. 7. Pikkorissutsimut tapisiat agguataarneqarnissaat isumaqatigiissutigineqarsinnaanngippat apeqqut isumaqatigiissuteqartutut illuatungeriinnit aalajangiiffigineqartassaaq.

§ 18

Nerisaqarneq ineqarnerlu.

Sulisut ineqartinneqartut suliffeqarfimmilu nerisaqartitsinermut peqataasut nivarsiat nerisaqartitaanerannut aalajangersakkat suk-kulluunniit atuuttut naapertorlugit tamatumunnga akiliisas-sapput. Ineqartitaanermut, tassa imaappoq meeqqerivimmi inimi ataatsimi ineqarnermut, akiliutigineqartassapput qaammammut 500,00 kr.

§ 19

Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfirmiinnermut atugassat) atortussarsiutillu.

Atorfillit angerlarsimaffittut najugarisamik avataanut suliarto-rallartitaasut aningaasanik pissarsiassaqartinneqassapput malit-tarisassat tjenestemandinut Namminersorlutik Oqartussani kommunenilu sulisunut atuuttut/ isumaqatiisut naapertorlugu, takuuk immikkut takussutissiami takuneqarsinnaapput.

§ 20

Piareersimaneq.

Ulloq unnuarlu paaqqinnittarfinni sulisunut piffissap suliffiup nalinginnaasup avataatigut nammineq iniminni, paaqqinnittarfirmi imaluunniit paaqqinnittarfirmi inimi pigaartarfirmi - piareersimasussanngortinneqarsinnaapput.

Imm. 2. Piareersimanernut siuliini taaneqartunut piareersimanermi nalunaquttap akunneranut imatut tapisiaqartitsisoqassaaq:

- a) Nammineq inigisami piareersimaneq.....: 27,00 kr. nal. ak.
- b) Inimi pigaartarfimmi piareersimaneq.....: 49,00 kr. nal. ak.

§ 21

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmut atatillugu pisussaaffeqartoq suliffimmut atatillugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartoq najugariumangippagu, inissiamik allamik innersuussisoqarsinnaangilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartartoq Namminersorlutik Oqartussat kommunellu inissiaataanni ineqarnermut akiliuteqartarnermut malittarisassat qaqugumulluunniit atuuttut naapertorlugit. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaangilaq.

Imm. 4. Atorfillit imm. 1, c) naapertorlugu atorfimmut atatillugu inigisassaataasumik ineqarnermut akiliuteqartassapput maleruagassat tjenestemandinut Namminersorlutik Oqartussani kommunenilu sulisunut qaqugukkulluunniit atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

§ 22

**Atorfininnermut atatillugu
akiliunneqarluni angalaneq.**

Atorfininnermi meeqqerisunut isumaginninnermilu ikiortinut Danmarkimi Kalaallit Nunaanniluunniit angerlarsimaffigisap suliffeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiuusaaq naapertorlugu inissaqartitsisoqarpat imaluunniit atorfimmuut atatillugu inigisassaataasumik najugaqarnissaaq pisussaaffiuppat tak. § 21, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinneqarput atorfeqartup aapparisaat katissimanngikkaluarluguluunniit inooqatigisaa kiisalu meerai 18 inorlugit ukiullit. Taama ilaqutariit akiliunneqarlutik angalanerat sapinngisamik ataatsimoorluni ingerlaniarneqartassaaq.

Imm. 3. Taama akiliunneqarluni atorfininnermi angalaneq inummumut nammineruinnaaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaanngilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallassissutit atorlugit akikinnerpaamik angallanneqarnermut aningaasartuutit uppernarsarneqarsinnaasut. Allatut angalasoqartillugu najugarisap Kastrup-illu mittarfiata akornanni tamanut angallassissutit atorlugit angallanneqarnermut akikinnerpaamik aningaasartuutit matussuserneqartassapput.

Imm. 6. Københavnimiinnermi aningaasartuutaajunnartut atorfeqartup nammineq akilissavai.

Imm. 7. Nunatsinni namminermit atorfininnermut atatillugu akiliunneqarluni angalanermit taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaamik angalarnermut aningaasartuutigisimasat uppersarneqarsinnaasut.

Imm. 8. Atorfininnermit pigisat assartorneqassapput malittarisassat tjenestemandinut Namminersorlutik Oqartussani kommunenilu atorfilinut qaqugukkulluunniit atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

§ 23

Sulinngiffeqarneq sulinngiffeqarnerisutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarnerisuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiit amerlassusii naapertorlugit aningaasarsiat ilanngaaffigineqassapput. Sulinngiffeqarnerisutit ukiumut aningaasarsiari-simasanut naatsorsorneqassapput.

Imm. 3. Soraarnermit aningaasarsiat 12½ %-ii sulinngiffeqarnerisutisatut tunniunneqassapput.

Imm. 4. Sulinngiffeqarnermi aningaasanik pisassanik piunasaqarneq sulisitsisumut saqqummiunneqassaaq ukiup sulinngiffeqarfissaasimasup qaangiutereernerani kingusinnerpaamilli qaammatit pingasut qaanngiut-sinnagit. Taamaangippat aningaasat Sulinngiffeqarnermut Aningaasaateqarfimmut nakkassapput, tak. Sulinngiffeqarnermut Aningaasaateqarfik pillugu isumaqatigiisummut tapiliusaaq.

§ 24

Napparsimaneq.

Sulisoq napparsimanini pissutigalugu sulisinnaangippat, taassuma kinguneranik sulinnginneq inatsisinik unioqqutitsinani sulinn-ginnertut isigineqassaaq, sulisoq sulinermini piaaraluni mianersuaal-liorujussuarluniluunniit napparsimalersimangippat imaluunniit ator-fininnermi salloqittaalluni napparsimanini nipangiusimasimappagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaammatini tulleriiginnarni ullut 120-ini akissarsiaqartitsilluni periaatsit atuupput.

Imm. 3. Sulisut imm. 2-mi pineqanngitsut qaammatini tulleriiginnarni aqqaneq marlunni katillugit ullut 120-ini napparsimanermini akissarsiaqarsimappat, qaammatip naaneranut imatut siumut ilisimatitsererluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareermermi: qaammat ataaseq
- ukiuni 6 - 8 atorfeqareermermi: qaammatit pingasut
- ukiuni 9 - sivisunerusumillu atorfeqareermermi: qaammatit sisamat.

Soraarsitsinerup atuutitinneqarnissaanut piunasaqaataavoq ullut napparsimaffiit 120-it taakku naanerannut atatillugu soraarsi-

tsisoqasssoq aammalu inuk pineqarto sulii napparsimatilluugu, kisiannili atuutitinnegarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfeqarnermit soraarsitsisoqarsimappat, atorfinitsitseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqqutigalugu qimagussimaneq nakorsap uppernarsaaneratigut uppernarsarneqarnissaa piumasarineqarsinnaavoq.

Imm. 6. Nakorsat uppernarsaataat imm. 5 malillugu piumasarineqartut sulisitsisumit akilerneqassapput.

§ 25

Naartuneq, ernineq qitornavissiarthaarnerlu.

Meeqqerisut isumaginninnermilu ikiortit sulinngiffeqarsinnaatitaapput naartunermi, ernereernerup kingorna qitornavissiarthaarnermilu Inatsisartut inatsisaat qaqugumulluunnit atuuttoq naapertorluguu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigiinnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	

§ 26

**Meeqqap napparsimanerani ullormi siullermi
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleg,
- b) meeqqap atugarisai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornanngippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqgissuussineq atornerluinermi sulisunut ataasiakkaanut atortussaajunnaarsinneqarsinnaavoq.

§ 27

Meeqqap napparsimanerani sulinngiffeqarnerit allat

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnis-saqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nalinginnaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataanissaa ingiallortaanissaalu nakorsamit uppersarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/uppernarsarneqarpat.

Imm. 4. Immikkut illuinnartumik pissutissaqartillugu nakorsamillu uppernarsarneqarpat sulinngiffeqarneq sivitsorneqarsinnaavoq ullut 5 tikillugit.

§ 28

Sulinngiffeqarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaanerinut atatillugit akiliunneqarluni angalasarnerit sulinngiffeqartarnerillu pillugit malittarisassat qaqugumullunniit Kallaallit Nunaanni tjenestemandinut atuuttut naapertorlugit, takuuk immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqutai taamaattutullu naatsorsuussat pinnagit.

§ 29

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinngiffeqarsinnaatitaavoq, ullutut nalliuttutut uku naatsorsuunneqassapput:

- a) ilagiit Lutherikkut nalliuttui,
- b) juulliaraq,
- c) ukiutoqag,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 30

Qinikkatut pisortanillu toqqakkatut suliassaqartitaanerit.

Isumaqatigiissut una naapertorlugu atorfillit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliagarneq pil-lugu nalunaarutaat nr. 5, 15. marts 1994-meersoq naapertorlugu sulinissaminut sulinngiffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqatigiissutit malillugit qaangiuttoorneriaqarfissaq sioqqullugu pisoq sumiginnaanertut isigineqas-sanngilaq. Suliffimmiit qimagusimanissaq sapinngisamik sioqqutsillu-arluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoor-torta qarfiini siulersuisunut, SIK-p inuusuttaani siulersuisunut aammaalu SIK-p siulersuisuunerinut ilaasortat, pisortat oqar-tussaasoqarfiinit piumaffigineqarneq tunngavigalugu ilaasortaaffigi-neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini ilaasortat, ataatsimeersuarnerni, nakkutilliisoqarfeqarnerani peqataanermut atatillugu SIK-p siulersuisuunerinut aamma SIK-p Inuusuttaisa siulersuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortorta qarfiini siulersuisut, SIK-p siulersuisuunerini aamma SIK-p Inuusuttaaisa siulersuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 31

Toqukkut qimagaanersiutit.

Sulisoq atorfeqarnermi nalaani toqusimappat aappaaanut tassungalu naligisitat imaluunniit qitornaanut 18 inorlugit ukiulinnut qimagaasunut toqusup pilersugassarisimasaanut qimagaanersiutit ataani allassimasut naapertorlugit tunniunneqassapput:

Atorfeqar-

figisami ukioq 1 sulisimaguni.....: Qaam. 1 akissarsiat
- ukiut 2: Qaam. 2 akissarsiat
- ukiut 3 amerlanernilu.....: Qaam. 3 akissarsiat

§ 32

Soraarniuteqarnek/Soraarsitsineq.

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajungitsorsiaqararsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiis-saagallartumik suliaqarnek narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaaniit sulisumik imatut siumut ilisimatitsererluni soraarsitsisogar-sinnaavoq, misiliutaasumik atorfininneq imaluunniit utaqqiissaagallartumik suliaqarallarnek pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Soraarniuteqarnek imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naaneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarnek pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfeqarnermi qaammatini pingasuni siullerni ullunuk tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaammatit pingasut atorfeqareernerut kingorna soraarniuteqarsinnaanerit imm. 2 b-c aamma imm.4-miittut atuupput.

Soraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnermi siuliani inatsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamilu siumut nalunaarutaat allaganngorlugu tunniunneqassaaq.

§ 33

**Isumaqatigiinngissutit kinaassusersiortumillu
soraarsitsinerit.**

Isumaqatigiinngissutit suliarineqartassapput aaqqiagiinngissutit suliarineqartarnissaannik tunngaviumik isumaqatigiisummi aalajangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorpeqaraangat tamanna kinaassusersiornermik tunngaveqartassanngilaq. Tamanna pillugu apeqqutit aaqqiagiinngissutit suliarineqartarnissaannik tunngaviumik isumaqatigiisummi aalajangersakkat naapertorlugit suliarineqartassapput.

§ 34

**Meeqqerisut isumaginninnermilu ikiortit
nal. akunnermusiallit.**

Meeqqerisut isumaginninnermilu ikiortit atorfeqalivinnissaq siunertarinagu, kisiannili sulinngiffeqarnermi, napparsimasoqarnerani assigisaannilu taartaasussatut, imaluunniit allamik suliaqarallarnissamut qaammatit pingasut inorlugit sulisinneqartussat, nal. akunnermusialerlugit atorfinit sinneqartassapput. Qaammatit pingasut sinnerlugit sulereernermi pineqartoq qaammammusiaqalersinneqassaaq, taamaattorli sulisartup kissaatigiguniuk nalunaaquttap akunnermusiaqaanarsinnaavoq. Nal. akunnermusiaq naatsorsorneqartassaaq § 3 naapertorlugu pineqartup qanoq sivisutigisumik sulisimanera tunngavigalugu ukiumut akissarsiaasa 1/2080-iannik angissusilerlugu.

Imm. 2. Meeqqerisut isumaginninnermilu ikiortit nal. akunnermusiallit atorfeqartitaanerat siumut qaammammik ataatsimik siumut ilisimatitsilluni qaammaatip naanneranut atorunnaarsinneqarsinnaapput.

Imm. 3. Meeqqerisut isumaginninnermilu ikiortit nal. akunnermusiallit pisinnaatitaapput pisussaaffeqarlutillu ullut 6-t sulereernerit taamaasa ullormik sulinngiffeqarnissamut; taamaattorli ullut sulinngiffissat ataasiakkaatigut piffissamut allamut nuunneqarsinnaapput sulianut tunngasut tamanna pisariaqartikkaangassuk.

Imm. 4. Meeqqerisut isumaginninnermilu ikiortit nal. akunnermusiallit akissarsiffissaat ullunut 14-inut naatsorsorneqartassaaq, ataasingornermiit sapaatit akunnerisa 2-t naaneranni sapaat ilanngullugu.

Imm. 5. Meeqqerisut isumaginninnermilu ikiortit nal. akunnermusiallit feriernersiutissaattut akissarsiaasa 12½ %-ii katersorneqartarput.

Imm. 6. Meeqqerisut isumaginninnermilu nal. akunnermusiallit akissarsiassaat qanoq sivilutigisumik sulisimanerat aallaavigalugu naatsorsorneqartassaaq § 5-imi, immikkoortuni 1-imiit 5-mut maleruagassat naapertorlugit. Nal. akunnermusiaqarluni sulinerup nalaani qanoq sivilutigisumik sulisimaneq aallaavigalugu akissarsiaqartitsineq allamik ilaneqarsinnaanngilaq.

Imm. 7. Isumaqatigiissummi matumani §-it 16, 24 aamma 32-imi aalajangersakkat sulisunut nal. akunnermusialinnut atuutinngillat.

§ 35

Ikaarsaarnermi malittarisassat.

Sulisut 31. marts 1995 killigalugu isumaqatigiisut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 24, imm. 1, "sulinngiffeqarnerit immikkut ittut allat"-mi malittarisassaaq atuutiinnassaaq.

§ 36

Akissarsiat katiteneri.

Akissarsiat § 3-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliusseq 1. april 2000 16,4789%-imik. Skala-mi akissarsiat iluarssiissutitaqanngitsumik korunngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18
kr
380,56

01.04.19
kr
380,56

01.04.20
kr
380,56

01.04.21
kr
380,56

§ 37

Piffissaq isumaqatigiissutip atuuffia.


Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaaruteqarnikut 31. marts-imut taamaattorli siusinnerpaamik marts-ip 31.-ani 2018-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isumaqatigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.

Nuummi, ulloq **02 DEC. 2019**

Sulinermik Inuussutissarsiateqartut
Kattuffiat

Naalakkersuisut
n.s.



Jess G. Berthelsen



André Steenholdt-Guttesen

Taamalu isumaqatigiissut 14. november 2014-meersoq atorunnaarpoq.